

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2023/116****2023/EES/83/40****frá 16. janúar 2023****um breytingu á framkvæmdarreglugerð (ESB) nr. 540/2011 að því er varðar framlengingu á samþykkistímabilinu fyrir virka efnið oxamýl (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE ⁽¹⁾, einkum fyrstu málsgrein 17. gr.,*og að teknu tilliti til eftirfarandi:*

- 1) Í A-hluta viðaukans við framkvæmdarreglugerð framkvæmdastjórnarinnar (ESB) nr. 540/2011 ⁽²⁾ eru skráð virk efni sem teljast samþykkt samkvæmt reglugerð (EB) nr. 1107/2009.
- 2) Með framkvæmdarreglugerð framkvæmdastjórnarinnar (ESB) 2021/2068 ⁽³⁾ var samþykkistímabilið fyrir virka efnið oxamýl framlengt til 31. janúar 2023.
- 3) Umsókn um endurnýjun á samþykki fyrir virka efninu oxamýli var lögð fram í samræmi við framkvæmdarreglugerð framkvæmdastjórnarinnar (ESB) nr. 844/2012 ⁽⁴⁾.
- 4) Þrátt fyrir að niðurstaða frá Matvælaöryggisstofnun Evrópu ⁽⁵⁾ um mat á virka efninu oxamýli liggja fyrir og framkvæmdastjórnin hafi komið á umræðum hjá fastanefndinni um plöntur, dýr, matvæli og fóður virðist enn líklegt að samþykkið renni út áður en ákvörðun hefur verið tekin um endurnýjun. Af þessum sökum og þar eð umsækjandinn fær ekki ráðið við þessa töf er nauðsynlegt að framlengja samþykkið í takmarkaðan tíma til að gera það kleift að ljúka við matið sem krafist er til að taka ákvörðun um umsóknina um endurnýjun á samþykkinu.
- 5) Ef framkvæmdastjórnin þarf að samþykkja reglugerð þar sem kveðið er á um að samþykki fyrir oxamýli sé ekki endurnýjað vegna þess að viðmiðanir fyrir samþykki eru ekki uppfylltar skal framkvæmdastjórnin fastsetja lokadagsetningu gildistíma sem sömu dagsetningu og var í gildi fyrir gildistöku þessarar reglugerðar eða þann dag sem reglugerðin tekur gildi, ef sá dagur er síðar, að því tilskildu að samþykki fyrir virka efninu sé ekki endurnýjað. Ef framkvæmdastjórnin þarf að samþykkja reglugerð þar sem kveðið er á um endurnýjun á samþykki fyrir oxamýli mun framkvæmdastjórnin leitast við, eins og við á með tilliti til aðstæðna, að fastsetja gildistöku eina fljótt og unnt er.
- 6) Því ætti að breyta framkvæmdarreglugerð (ESB) nr. 540/2011 til samræmis við það.

(*) Þessi ESB-gerð birtist í Stjtið. ESB L 15, 17.1.2023, bls. 15. Hennar var getið í ákvörðun sameiginlegu EES-nefndarinnar nr. 268/2023 frá 27. Október 2023 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjtið. ESB L 309, 24.11.2009, bls. 1.

(2) Framkvæmdarreglugerð framkvæmdastjórnarinnar (ESB) nr. 540/2011 frá 25. maí 2011 um framkvæmd reglugerðar Evrópuþingsins og ráðsins (EB) nr. 1107/2009 að því er varðar skrána yfir samþykkt, virk efni (Stjtið. ESB L 153, 11.6.2011, bls. 1).

(3) Framkvæmdarreglugerð framkvæmdastjórnarinnar (ESB) 2021/2068 frá 25. nóvember 2021 um breytingu á framkvæmdarreglugerð (ESB) nr. 540/2011 að því er varðar framlengingu á samþykkistímabilinum fyrir virku efnin benflúralín, dímoxýstróbín, flúásínám, flútólanil, mekópróp-P, mepíkvat, metíram, oxamýl og píraklóstróbín (Stjtið ESB L 421, 26.11.2021, bls. 25).

(4) Framkvæmdarreglugerð framkvæmdastjórnarinnar (ESB) nr. 844/2012 frá 18. september 2012 um ákvæði sem eru nauðsynleg til að koma málsmeðferð við endurnýjun í framkvæmd að því er varðar virk efni eins og kveðið er á um í reglugerð Evrópuþingsins og ráðsins (EB) nr. 1107/2009 um setningu plöntuverndarvara á markað (Stjtið. ESB L 252, 19.9.2012, bls. 26).

Þó að framkvæmdarreglugerð (ESB) nr. 844/2012 hafi verið felld úr gildi með framkvæmdarreglugerð (ESB) 2020/1740 (Stjtið. ESB L 392, 23.11.2010, bls. 20) gilda ákvæðin um endurnýjun á samþykki fyrir virkum efnum, sem mælt er fyrir um í framkvæmdarreglugerð (ESB) nr. 844/2012, áfram í samræmi við 17. gr. framkvæmdarreglugerðar (ESB) 2020/1740.

(5) EFSA (Matvælaöryggisstofnun Evrópu), 2022. „Conclusion on the peer review of the pesticide risk assessment of the active substance oxamyl.“ *Tíðindi Matvælaöryggisstofnunar Evrópu* 2022, 20(5), 7296. <https://doi.org/10.2903/j.efsa.2022.7296>.

- 7) Þessi reglugerð ætti að öðlast gildi eins fljótt og auðið er þar eð gildandi samþykki fyrir oxamýli rennur út 31. janúar 2023.
- 8) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fôður.

SAMÞYKKT REGLUGERÐ ÞESSA:

1. gr.

Í stað dagsetningarinnar í sjötta dálki í A-hluta viðaukans við framkvæmdarreglugerð (ESB) nr. 540/2011, „Samþykki rennur út“, í færslu 116, oxamýl, kemur „31. október 2023“.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 16. janúar 2023.

Fyrir hönd framkvæmdastjórnarinnar,

Ursula VON DER LEYEN

forseti.
